

পৌরোগিকী

আলো ও ছায়া-প্রণেতা-প্রণীত

চতুর্থ সংস্করণ

কলিকাতা

বঙ্গাব্দ ১৩২৮

ইং ১৯২২

পৌরাণিকী

বিষয়

একলব্য

ধৃষ্টদ্যুম্নের প্রতি দ্রোণ

রামের প্রতি অহল্যা

যযাতি-দেবযানী

একলব্য ।

প্রথম অঙ্ক ।

প্রথম দৃশ্য ।

চণ্ডালগ্রামে বৃক্ষবেষ্টিত একখণ্ড ভূমি ।

একদল ব্যাধ-বালকের সহিত উপগ্রব্যের প্রবেশ ।

১ম বালক । কোথায় সে ? কেন আজ এখনও এল না
আয় ভাই উপগ্রব্য, আজ তুই রাজা ।

উপ । না, না, ভাই ।

২য় বালক । বন্ দৌধি তোর দাদাটার
কি হয়েছে ? আগেকার হাসি খেলা সব
সে কি ভুলে গেছে নাকি ?

উপ । হস্তিনায় গিয়ে,
ক্ষত্ররাজপুত্রদের অস্ত্র-ক্রীড়া দেখে,
আগেকার খেলা আর ভাল লাগেনাকো ।

৩য় । আমাদের চেয়ে তারা ভাল খেলা জানে ?

একলব্য ।

উপ । ঢের ভাল ।

১ম । একলব্য আছে কি তাদের ?

উপ । সেটি নাই বটে । তার মত ছেলে শুধু
সেই এ সংসারে ।

১ম । একলব্য রাজা হ'লে

আমরা সকলে মিলে ক্ষত্র হ'রে যাব ।

২য় । ক্ষত্র হ'তে এত সাধ কেন বল দেখি ?

১ম । একলব্য বলেছেন, ক্ষত্র শ্রেষ্ঠতর ।

২য় । মিথ্যা কথা । উপপ্নব্য, কি বলিস্ ভাই ?

উপ । আমরা কি একেবারে ক্ষত্র হ'তে চাই ?

যে শক্তি তাদের আছে, আমাদের নাই,
তাই চাই । মোরা শিখি পশু মারিবারে—

৩য় । ক্ষত্রিয়েরা ধনুঃ ধরে জাতিরে মারিতে,
কিংবা নির্দোষিরে ; শ্রেষ্ঠ তারা, তাতে ভুল নাই !

অন্তান্ত সকলে । কোথা যুবরাজ ? খেলা কি হবে না ?

উপ । অই আসিছেন দৃঢ় ।

একলব্যের প্রবেশ ।

সকলে । জয় যুবরাজ !

এক । (স্বগত) যুবরাজ ! রাজশক পৈত্রিক সম্পত্তি
ক্ষত্রিয়ের । ব্যাধ-পুত্র সাজে না এ নাম ।

একলব্য ।

দৃঢ় ধনুঃ, তীক্ষ্ণ বাণ, খর দৃষ্টি, খাড়া কান,
পশু পক্ষী বিধে নিয়ে যাই ;
শিকে সিদ্ধ হয় মাস, আমাদের মহোন্মাস,
মহানন্দে সবে বসে খাই—
জানিনাকো ভাবনা বলাই ।

এক । যার যাহা ভাল লাগে, তাই নিয়ে সে থাক ।

[প্রশ্নান

২য় । আপন মনে বনে বনে কাঁদিয়ে বেড়াক ।

৩য় । বেলা যায়, উপপ্লব্য, খেলবে কি না ভাই ?

উপ । চল যাই, চল যাই ।

দ্বিতীয় দৃশ্য

হিরণ্যকেশুর ভবন ।

একলব্য ও মাতার প্রবেশ ।

এক । জননী, আবার আমি যুব হস্তিনায় ।

মাতা । হস্তিনায় ? পিতা তব চাহেন তোমারে
প্রতিদিন যুগয়ায় সঙ্গী করিবারে ।

একলব্য ।

এক। তুমি দেখিছাছ কাত্ত, নৈবাদ জীবন,
কি দেখিতে চাহ তুমি তনয়ে তোমার,
যুগয়, কি মহারথী ?

মাতা। মহারথী, যদি—

এক। যদি কি ?

মাতা। সম্ভব হ'ত ।

এক। তা কি অসম্ভব ?

আশৈশব তুমি মোরে প্রভাতে সন্ধ্যায়,
দিবানিশি, ক্রীড়াকালে, অশনে, শয়নে,
কহিছ, “এরূপ করে কত্রিয়-তনয় ;
এইরূপে কহে কথা,—খেলে সঙ্গীসাথে
এ নিয়মে ।” যেই কাব্য স্মৃণিত তোমার—
কহ তুমি, “এই কাব্য নহে কত্রোচিত ।”
তোমারে তুষিতে, আমি করি প্রাণপণ,
পালিয়াছি, যারে তুমি বল কত্র-রীতি ।

মাতা। স্থশীল, স্ববুদ্ধি, বৎস, নির্ভীক, সবল,
কাত্ত-গুণে নহ হীন, নহে শ্রেষ্ঠতর
হস্তিনার কুমারেরা, নহে কত্র-তর,
কি শিখাবে তারা তোরে ? পেয়েছিহু তুই
জনকের ধৈর্য বীৰ্য ।

দ্বিতীয় অঙ্ক ।

প্রথম দৃশ্য ।

হস্তিনার উদ্যান ভূমি । কর্ণ বৃক্ষতলে অন্তমনস্ক
ভাবে দণ্ডায়মান, পশ্চাতে হ্রোণের প্রবেশ
ও কর্ণের স্বল্পে হস্তার্পণ ।

কর্ণ । (ত্রস্ত ভাবে ফিরিয়া) প্রণাম চরণে আর্ষ্য
হ্রোণ । কি হেতু চিস্তিত ?

কেন চেয়েছিলে বীর, নিরঙ্কন সাক্ষাৎ ?

কর্ণ । ভিক্ষা এক আছে মোর, পারি নিবেদিতে
করিলে অভয় দান ।

হ্রোণ । আমি তোমাদের

সকলের গুরু, চাহি সকলের হিত,
অস্ত্র শিক্ষা দিই সকলেই সমকালে,
সমযত্নে ; নাই কিছু গোপন দানের
যোগ্য ।

কর্ণ । . যোগ্যতর হ'লে, গোপনেও যদি
কর কোন শিক্ষা দান, কোন প্রিয় জনে
পুত্র নির্বিশেষে কিম্বা পুত্রের অধিক
স্নেহ কর, কার সাধ্য নিন্দা করে তোমা

একলব্য ।

সে কারণে ? গুণে বাঁধা পড়ে সর্বজন ;
দেবতা গুণের পক্ষপাতী, সর্বকালে
মানব গুণের উপাসক ।

দ্রোণ ।

আমি কার

গুণে বদ্ধ ? করে স্নেহ করি পুত্রাধিক ?

কর্ণ ।

গুরুদেব, সে কথা কি আছে অবিদিত
কাহারও কুরুদেশে ? স্থির প্রতিজ্ঞায়,
বুদ্ধি একাগ্রতা নিষ্ঠা নৈপুণ্য বিক্রমে,
সৌজ্ঞে, বিনয়ে, তথা নেত্র-অভিরাম
দেহের লাবণ্যে, সমকক্ষ নাহি যার
রাজপুত্রগণ মাঝে, তব স্নেহলাভে
কে তাহার সমকক্ষ হবে ?

দ্রোণ ।

তুমি তার

উপযুক্ত প্রতিদ্বন্দ্বী, সত্য-অনুরোধে
একথা বলিতে হয়, কিস্তি হে শোভন,
সমুজ্জ্বল মুখদ্যুতি, সমুন্নত বপুঃ,
রাজোচিত ব্যবহার, ভাষার ভঙ্গির
অনির্দেশ্য মধুরিমা মানব নয়নে
করে না ক্ষত্রিয় তোমা ।

কর্ণ ।

অধিরথ-সুত

একলব্য ।

চাহে না কত্রেয় মান । অনির্দেশ্য কিছু
ভাষা আর ভক্তি মাঝে যদি দৃষ্ট হয়,
সাজে না যা কত্রেয়র জনে, ভাবিও না
ক্ষত্রানুকরণ তাহা, চেষ্টাকৃত । যাক
অবাস্তুর কথা । দেব, এই বাহুযুগে
কহ আছে কিনা বল । শিক্ষা যা দিয়াছ,
বিফলে কি গেছে কিছু ? নিষ্ঠা যত্নে মোর
হয়েছে কি কোন ক্রটি ? তোমার চরণে,
করেছি কি কোন অপরাধ, কোন দিন ?
দ্রোণ । না, না, বৎস, বহু গুণে গুণান্বিত তুমি,
হ্রদৃষ্টে তব—

কর্ণ । দেব, কার সাধ্য আছে
অদৃষ্ট বাহুয়া লয় ? পুরুষ যত্বপি
হীন হয় পুরুষের গুণে, তারে সবে
দীন, রূপাপাত্র ভাবি-যেন দয়া করে,
দয়া মম নাহি সহ হইয়।

দ্রোণ । . . . শিক্ষা এক
চাহিবারে নিরজনে চেরেছ সাক্ষাৎ,
বোধ হয় সূতপুত্র, সে শিক্ষা পূরণে
দয়ার নাহিক আবশ্যক !

একলব্য ।

- কর্ণ । নাহি, দেব,
কিছুমাত্র । অন্তেবাসী যত, পুত্রসম
সর্বজন । সকলের প্রতি যেই স্নেহ,
সেই স্নেহ মাগি আমি, তার বেশী নয় ;
সে স্নেহের অনুরোধে, কর মোরে দান
সমস্ত ব্রহ্মাস্ত্র । এই এক ভিক্ষা মম ।
- দ্রোণ । কাহারেও দিই নাই বাহা, তাই চাহ ।
- কর্ণ । দাও নাই বটে, কিন্তু দিবে কোন দিন,
আজ হোক, কাল হোক ।
- দ্রোণ । দিব যোগ্য জনে ।
- কর্ণ । কে সে যোগ্য জন প্রভো ?
- দ্রোণ । তপস্বী ক্ষত্রিয়,
আর নিত্যব্রতধারী ব্রাহ্মণ । তুমি তো
না ব্রাহ্মণ, ব্রতধারী, না তপস্কারত
ক্ষত্রিয় । কিরূপে তুমি হবে অধিকারী
ব্রহ্মাস্ত্রের ? দেখ বৎস, অদৃষ্ট কেমন ।
- কর্ণ । অদৃষ্ট সে অদৃষ্টই ; কে জানিছে, সে যে.
কোথা বসি, কোন সূত্রে, টানিছে কাহারে
কোন লক্ষ্য অভিমুখে ? কোন অধিকারে
কাহারে বঞ্চিত করি, কারে দেয় যাচি ।

দ্রোণ । তোমারে, বঞ্চিত করি সজ্জন সংশ্রব,
লইয়াছে স্পষ্ট দৃষ্ট অদৃষ্ট তোমার
দুর্জন আশ্রয়ে ।

কর্ণ । কে সজ্জন, কে দুর্জন,
দৃষ্ট, কি অদৃষ্ট ভাগ্যা, বিচারের ভার
বিধাতার ; আমি নাহি বুঝি, নাহি চাহি
বুঝিবারে । উপকার যেথা পাই, সেথা
কৃতজ্ঞতা, প্রতি-উপকার দিব সদা ;
স্নেহ যদি করে কেহ, দিব বিনিময়ে
সমস্ত প্রাণের স্নেহ ; আহবে আহুত,
না করি প্রাণের মায়া বুঝিব, যাবৎ
দেহে রবে প্রাণ । দৈব কিম্বা ইচ্ছা বশে
যে পক্ষ আশ্রয় করি, তুলি ফলাফল,
তুলি স্বার্থ, সেই পক্ষে রহিব অটল,
এই আমি বুঝি সার ।

দ্রোণ । • অীরধর্ম এই ।

কর্ণ । কুম মোরে, গুরুদেব, না জানিয়া আমি
ভিক্ষা চেয়েছিহু বাহা অদেয় তোমার ।
শিষ্যের প্রণাম লহ ।

দ্রোণ । স্বস্ত, যশোধন ।

দ্বিতীয় দৃশ্য ।

হস্তিনার রাজপথ ।

কর্ণ ও একলব্যের প্রবেশ ।

এক । কহ ভদ্র, কোন পথে শীঘ্র যেতে পারি
 রাজপুরে ।

কর্ণ । সেথা পাছ কোন প্রয়োজন ?

এক । জান তুমি জ্ঞোণাচার্য্যে ?

কর্ণ । জানি সে ব্রাহ্মণে ।

এক । কেন না জানিবে তাঁরে ? কৌরবগণের
 গুরু তেঁহ । মাগি আমি দরশন তাঁর,
 আমারে দেখাও পথ ।

কর্ণ । অতি শ্রান্ত তুমি,
 ক্লিষ্টকান্তি, দ্বিপ্রহরে যুধিকার মত ।

এক । নহি সুকুমারী বালা ।

কর্ণ । কূলক শোভন ।

এক । যুবক । • •

কর্ণ । তাহাই তবে । কীণ যুহুস্বর, •
 বিশুদ্ধ অধর, পদ ধূলিধূসরিত,
 জানাইছে সুধা, তৃষ্ণা পথশ্রম তব ।
 হে যুবক, লইবে কি আতিথ্য আমার ?

একলব্য

উপশমি শ্রান্তি ক্লান্তি, করিও অর্জন
দ্রোণ-দরশন-পুণ্য ।

এক ।

আপ্যায়িত অতি

এ সৌভ্রতে । গ্রামবাসী বিদেশী এ জন,
জানিনা নগর প্রথা, অপটু বচনে ।
সত্য, দীর্ঘ পথশ্রমে, ক্ষুধা পিপাসায়
কিঞ্চিৎ কাতর আমি ; কিন্তু যার লাগি
বহুপথ অতিক্রমি, বহু অন্তরায়
লজিয়া আইনু হেথা, সেই অভিলাষ
নিশ্চয় পূরিবে; নাহি জানি যতক্ষণে,
ততক্ষণ পানাহার কালক্ষয় বলি
লাগিবেক বিষবৎ । দাও, স্কন্ধত্রিয়,
পথ বলি, সে আমার আশাসিদ্ধি-পথ,
দেখি তাহে, ফিরে এসে, কৃতজ্ঞ হৃদয়ে
তোমার আতিথ্য লভি হইব স্থির ।

কর্ণ । কি, সে অভিলাষ তব পারি জিজ্ঞাসিতে ?

এক । রাজপুত্র, আশা মোর দ্রোণশিষ্য হব ।

কর্ণ । • আমি অধিরথ পুত্র, রাজপুত্র নহি ।

দেহ তব পরিচয়, ক্ষত্রিয় কুমার ।

এক । বিক্রান্ত হিরণ্যধেমু, নিষাদপ্রধান,

একলব্য ।

পূর্ব অঞ্চলের প্রভু, জ্যেষ্ঠপুত্র তাঁর
আমি, একলব্য নাম ।

- কর্ণ । নিষাদ কুমার ?
এক । নিষাদ-কুমার আমি । কেন এ বিষয় ?
কর্ণ । আসিয়াছ হস্তিনার দ্রোণশিষ্য হ'তে ?
এক । দ্রোণশিষ্য হ'তে । ভদ্র, কেন প্রশ্ন এত ?
কর্ণ । জন্ম ও সৌন্দর্য্য নহে আয়ত্ত্ব আপন ।
এক । কেনা জানে ? সহৃদয়, বলিবে কি পথ ?
অথবা সম্মুখে পাব অন্ত কোন জন ।
যাই ভদ্র অধিরথ, ভেবোনা অন্তথা,
গুরু প্রয়োজন বশে নারিঙ্গু লইতে
সদয় আতিথ্য তব ।
- কর্ণ । দাঁড়াও, বালক,
শোন কথা । মনে মনে বাধানি তোমার
উৎসাহ তরুণোচিত । অতি সুগঠিত
দেহ তব, ভাষা তবু নহে অনার্য্যের,
সহজে ক্ষত্রিয় বলি হবে পরিচিত
ক্ষত্রিয় কুমার মাঝে । গর্বিত সে দ্রোণ
রাজপুত্র গুরু বলি, কহিওনা তারে
কুলশীল, ক্ষত্র বলি দিও পরিচয়,

তাহ'লে পুরিতে পারে মনোবথ তব ।

এক । নহ তুমি ক্ষত্রিয় কুমার, মিথ্যা কথা,
মিথ্যা আচরণে তাই দাও উপদেশ
বিদেশীয়ে । নিষাদেৱা অনাৰ্য্য যত্বেপি
তথাপি অসত্য বাক্য ঘৃণা করে তারা ।

কর্ণ । সকল নিষাদে করে ?

এক । এ নিষাদ করে ।

অনভিজ্ঞ আমি, নাহি জানি সকলেয়ে,
সত্যবাদী পিতা মোর, সত্যবাদী আমি ।

নাগ । স্থখী তুমি, দৰ্পভরে লহ পিতৃনাম ।

আর কেন অনর্থক হয় কালক্ষেপ ?
হইতেছে শ্রান্ততর । যাও এই দিকে,
অতঃপর পাবে পথ প্রশস্ত, শীতল,
ছায়াবৃত ; ক্রমে ক্রমে দেখিবে সম্মুখে
বিশাল ভবন এক, দক্ষিণে তাহার
বিস্তৃত উদ্যান ভূমি, সেথা শিষ্যসহ
দ্রোণাচার্য্য দ্বিপ্রহরে করিছে বিশ্রাম ।

এক । শুভ্র, তব অন্তঃকরে বাসিত এ জন,
চিরদিন রবে মনে ।

কর্ণ । আজ যেন রয়

একলব্য ।

দ্রোণ কিরাইয়া দিলে । করিও জিজ্ঞাসা
হেথা অধিরথ গৃহ । হয়ত র'বনা
গৃহে আমি ; জননীরে বলিও আমার
কর্ণের অতিথি তুমি ।

এক । আগে সেথা যাই । [প্রস্থান ।

কর্ণ । আগে সেথা যাবে, পরে আসিবে কিরিয়া
অবজ্ঞাত, মর্ষাহত ; যুচিবে বাসনা
ধনুর্কেন্দ অধ্যয়নে, জনমের মত ।
এজন অসত্য বাক্য করিয়া সখল,
আপনি লইবে, যাহে সত্য নাহি দিবে
পুরুষের ন্যায় স্বত্ব । আপনার বলে,
বুদ্ধির কৌশলে কিবা, যাহা লভনীয়
তাহা যেই ভীকু সম যায় বিসজ্জিয়া,
ক্ষু ক চিত্তে, সাক্ষনেত্রে, পুরুষ সে নহে ।

[কণকাল চিন্তা করিয়া ।

গুরু দ্রোণ, তার গুরু জমদগ্নি-সুত
ক্ষত্র শত্রু । হে অদৃষ্টে, এস সঙ্গে মম,
লয়ে যাও যেথা ইচ্ছা, শুধু এই কর—
বিজয়-বাসনা মোর পূর্ণ যেন হয়,
বন্ধুত্বের ঋণ যেন পারি শুধিবারে ।

তৃতীয় দৃশ্য ।

কুমারগণের বিহারভূমির নিকটস্থ মণ্ডপ,
দূরে কুমারগণের ক্রীড়া কোলাহল ।
দ্রোণ উপবিষ্ট, তৎসম্মুখে একলব্য
করপুটে দণ্ডায়মান ।

দ্রোণ । কে তুমি কল্যাণ ?

এক । আমি পূর্বদেশ-পতি
হিরণ্যধেনুর পুত্র, একলব্য নাম,
ভিক্ষুবশে উপনীত শ্রীচরণে তব,
তোমার অপার জ্ঞান, অপূর্ব কৌশল
লভিবারে যথাশক্তি ।

দ্রোণ । বৃদ্ধিমান তুমি,
বিবেচিয়া কর কথা । সরস্বতী সম
বহিছে জ্ঞানের নদী, পূরিভ সলিলে
জলাধী লইয়া যায় তুতটুকু তার
ষতটুকু ধরে পাত্রে । •

এক । . দেখ পরীক্ষিয়া
আমার পিপাসু মনে কতটুকু ধরে
তব পুণ্য জ্ঞান-বারি ; কর ভগবন্,
দয়া করি, কর মোরে শিষ্যত্বে স্বীকার ।

পৌরাণিকী ।

দ্রোণ । কে তোমাতে দিলা বলি দ্রোণের সন্ধান ?

এক । মাসদ্বয় পূর্বে, ভগবন্, এসেছিহু
কুরুদেশে, মাতৃকুলে কে আছে জীবিত
জানিবারে ; সে উদ্দেশ্য হইল বিফল,
হইল সফলতর আগমন তবু ।

ভুভচেষ্টা কভু নাহি হয় নিরর্থক,
এই সদা দেখি দেব ; হয়তো যা চাই
পাই না তা, নিরাশায় ছেয়ে যায় মন,
মনে হয় বৃথা চেষ্টা, বৃথা এ জনম,
মনে হয় জীবনের ফুরায়েছে কাজ ;
জগতের মুখ হতে খসে পড়ে যেন
আলোকের আলিপন, বাহিরিয়া আসে
মলিন মৃন্ময় অঙ্গ ;—সহসা, যেমন
ফুটে উঠে রক্তিম কিরণ পূর্বশেষে,
ধীরে ধীরে উঠে ক্রমে ছেয়ে অর্ধাকাশ,
ধীরে জেগে উঠে বাল-সূর্য্য, ভূলাইয়া
নিশার অধার, তথা নিরাশা ভেদিয়া
নবীন আকাক্ষা জাগে উজলি জীবন,
জাগাইয়া নবোদ্যম । যা বলিতেছিহু ।
মাতৃ-অভিপ্রেত কৰ্ম্ম নারিহু সাধিতে,

হতাশ অবশ চিন্তা নারিন্তু সহসা
ফিরিতে মায়ের কাছে, রহিন্তু এদেশে ।

দ্রোণ । তার পর ?

এক । তার পর—ভাগ্যবলে, কিবা
পূর্বার্জিত তপঃফলে, দেখিন্তু একদা
শিষ্য তোমারে, দেব, সরস্বতী কূলে ।
তোমার সম্মুখে আসি প্রত্যেক কুমার
প্রদর্শিছে নিজ বিদ্যা ; বহু স্তনিপুন,
কেহ কেহ অকুশল ; কতু বাখানিছ,
কতু বুঝাইছ ক্রটি, নিজে অস্ত্র ধরি
দেখাইছ অস্ত্রক্ষেপ ; কতু পরীক্ষিছ,
জিজ্ঞাসিয়া নানা কথা । অদূরে দাঁড়ায়ে
আছিন্তু দেখিতে আমি । অস্ত্র রাশি রাশি,
নাহি জানি অত নাম, নানা আকৃতির,
বিবিধ প্রক্ষেপ বিধি, কতু উর্ধ্বে, কতু
পার্শ্বে, কতু অধোদেশে, ছিল লক্ষ্য দূরে
ও নিকটে । চলে যেন ইচ্ছার ইচ্ছিতে
হস্তের আশুধ, বেগে বিদ্যাতের মত ;
দেহ যেন মূর্তশক্তি, সজীব কৌশল,
ভ্রুণলঘু, বজ্রদৃঢ় ! কি করিব দেব,

পৌরাণিকী ।

প্রথমে বিশ্বয়ে পূর্ণ হইল হৃদয়,
কৌশল, শক্তি, জ্ঞান, শক্তি, কৌশল !
ধন্য এই ক্ষত্র গুণ, এই ব্রহ্মতেজঃ !
এই হেতু এরা দ্বিজ আমরা চণ্ডাল !

দ্রোণ । চণ্ডাল ?

এক । হিরণ্যধেনু নিষাদ-সন্তান ।

দ্রোণ । কি আশ্চর্য্য ! এতক্ষণ বচনে তোমার
ভেবেছিলাম ক্ষত্র তুমি ।

এক । জননী আমার
ক্ষত্র-কন্যা, কিবা ক্ষত্র গৃহে প্রবর্দ্ধিতা,
বাল্যকালে দক্ষ্য হস্তে, কিবা শত্রুকরে
হারায়ে স্বজনগণ, আছিল পতিত
বনভূমে ; পিতা তাঁরে লয়ে নিজ গৃহে
করিলেন ধর্ম্মপত্নী ।

দ্রোণ । চণ্ডাল-তনয়
তুমি চাহ রণ-বিদ্যা ? শত্রু বধিবারে
আছয়ে অসংখ্য রীতি ; অবিধেয় যাহা
ক্ষত্রিয়ের, চণ্ডালের লজ্জা নাহি তায় ।

এক । ক্ষত্র স্বার্থ সাধিবারে চাহি না এ জ্ঞান,
জ্ঞানের উপরে মোর প্রীতি অহেতুকী,

একলব্য ।

অথবা সে প্রীতি-হেতু জ্ঞানের গৌরব ।
অমূল্য জ্ঞানের লক্ষ্য স্বয়ং সে জ্ঞান,
নহে প্রয়োজন-সিদ্ধি ।

দ্রোণ । বচন বিক্রাসে
অতি স্থনিপুন তুমি । অই দেখ চেয়ে
দেবাংশ-সম্ভূত মোর প্রিয় শিষ্যগণ ।
একস্থানে দাঁড়াবার নাহি অধিকার,
তুমি ইহাদের সাথে ভেবেছ বসিবে
একাসনে ? ভাবিয়াছ ভরদ্বাজ স্মৃত
হবেন চণ্ডাল-গুরু ?

এক । আজ্ঞা কর, দেব,
দূরে দাঁড়াইয়া আমি করি নিরীক্ষণ
কার্য্য তব, দাসরূপে ফিরি পিছে পিছে ।
অথবা, দেবতা তুমি, যে কোন উপায়ে
পার তুমি পূরাইতে বাসনা আমার ।

দ্রোণ । যাও, যাও, গৃহে যাও । পারি না পূরাতে
এ বাসনা ।

এক । মাসঙ্ঘর তোমার মুরতি
হৃদে লয়ে ফিরিতেছি আবিষ্টের মত,
তুমি ফিরাইবে চির অশাস্তির মাঝে ?

পৌরাণিকী ।

জনৈক শিষ্যের প্রবেশ ।

শিষ্য । (জনান্তিকে) গুরুদেব, কে এ শ্যাম সুন্দর যুবক ?

দ্রোণ । (হাস্তপূর্বক) ব্যাধপুত্র, স্বপ্নাবিষ্ট অথবা বাতুল ।

চতুর্থ দৃশ্য ।

বনমধ্যে একলব্য একাকী ।

এক । এত আশা নিয়ে এলু, অন্নান বদনে
এতটুকু হাসি হেসে, ভেঙ্গে চূরে দিলে
সে সকল ! ঘণাতুণে আছিল তোমার
যত তীক্ষ্ণ শরজাল, চন্দ্র-মন্দ্রভেদী,
সব কিগো এক সঙ্গে করিলে প্রহার
ক্ষুদ্র এ হৃদয়দেশে ? ভয় মন লয়ে
কোন্ পথে যাই আজ ? এতদূরে এসে
ফিরিতে সরে না পদ, ফিরে যেতে হবে !

দূরে মূর্খিত ঘনি ।

আছে এ জগতে আছে এ জগতে
গৌরব রঞ্জিত সিদ্ধি স্থান,
বাসনা থাকিলে যেতে পথ মিলে,
কে যাবে, কার ব্যাকুল প্রাণ ?

একলব্য ।

এক । আমার ব্যাকুল প্রাণ । কে গাহে এ গান ?
হীনকুলজাত আমি । জানি না কি, দ্রোণ,
আমি চণ্ডালের পুত্র ? জানি কিজ তুমি,
ভরদ্বাজ পিতা তব, জামদগ্ন্য গুরু,
কুরুরাজপুত্রগণ শিষ্য অকুগত ;
তাঁহাদের চরণের ধূলির সমান
নহি আমি ; যোগ্য নহি ছায়া ছুঁইবার ।
সেই দেখিলাম সেথা,—অর্জুন সে বুঝি ?
দিব্যকাস্তি, প্রিয়বদ, যোগ্য শিষ্য তব ।
কোথা সে অর্জুন, কোথা একলব্য এই !

সঙ্গীত ।

আছে এ জগৎ মাঝারে গোপনে
এক সে সুন্দর সিদ্ধি-স্থান,
বাসনা থাকিলে যেতে পথ মিলে,
কে যাবে, কার কেঁদেছে প্রাণ ?
সেথা জনমে বরণে নাহিক লাজ,
উজলে জীবন উজল কাজ,
• রতন ভূষণ মোহন সাজ
বাড়াতে নারে মান ।
বড় বার মন কুলীন সে জন,

পৌরাণিকী ।

সবার সেবায় মিলে সিংহাসন,
নিষাদ-তনয় সেও ক্ষত্র হয়
তেজো বীৰ্য্যবান্ ।

এক । দূরত্ব আছয়ে যত অর্জুনে আমায়
অতিক্রমি উঠিবারে পারিব কি আমি ?
কেননা পারিব ? যারে করিছে আহ্বান
উন্নত বাসনা তার, সে কেমনে রবে
খলিশায়ী ? দেখি যেন দ্রোণের ছুহাত
ডাকিয়া কহিছে মোরে, 'হের অঙ্গক্ষেপ',
প্রতি অঙ্গভঙ্গি তাঁর কহিছে ইঙ্গিতে,
'দেখ, শেখ !' দ্রোণ, শুধু মুখের কথায়
খেদাইলা দূরে মোরে, তা বলিয়ে, প্রভো
নারিবে এ আঁখি হতে ও মূরতি তব
তুলে নিতে । তুমি আছ ভিতরে বাহিরে ।

সঙ্গীত ।

• •

উচ্চ-আশা-তরু হয় ফলবান্,
হীন আশা রয় ধূলায় শয়ান,
হয় দেব-ধ্যানে ভকতের প্রাণে
দেবের অধিষ্ঠান ।

এক । কোথা হতে আসে গীত আমারি প্রাণের
প্রতিধ্বনি যেন । একি আমারি হৃদয়
আমারে ছলিছে গুহি আশার সঙ্গীত ?
আছ দেব, আছ তুমি ভিতরে বাহিরে
নয়নের ; অর্জুন সে, এক সাথে বসি
যার সনে যোগ্য নহি শিক্ষা লভিবারে,
তার চেয়ে হব আমি যোগ্যতর তব ;
সে তোমার শিষ্য, আমি তুমি হয়ে যাব,
সসীম তাহার ভক্তি, অসীম আমার ।
বৃক্ষ মূলভূমি হ'তে করে আকর্ষণ
রস যথা, বায়ু আর আলোক হইতে
নিশ্বাস বরণ লভে, আমিও তেমতি
তব বাহুদ্বয় হ'তে লাঘব প্রয়োগ,
শ্রুতি হ'তে মন্ত্র, আর বুদ্ধির কৌশল
করিব হরণ, জ্ঞান, জ্ঞানার্চ্য আমার ।

পুনরায় সঙ্গীত ।

আছে এ জগৎ মাঝারে গোপনে

ইত্যাদি ।

উজল করিবে পুত্র ।” বুনো ঘোড়া যদি
জিহ্বায় দা নিয়ে আসে লাগামের টানে,
তা হ'লে উজল হয় বুনো ঘোড়া জ্ঞাত ?

২য় । কি করিতে গেছে, কোথা, তা' কেন বলে না ?

১ম । বলেছিল, সেতো মিথ্যা । দ্রোণশিষ্য যত
সব ক্ষত্রিয়ের ছেলে, একলব্য নাই ;
এক মাস পিছু পিছু ফিরেছি তাদের
লুকাইয়া । তার পর বলেছিল রাজা,
খোঁজ্ বনে, খোঁজ্ গ্রামে, পাহাড়ে পুলিনে,
ফিরিস্ না, যতদিনে সন্ধান না পাস্ ।
তোরে ল'য়ে বার মাস মিছাই কেবল
ষমুনা ও পঞ্চনদ মাঝে যতদেশ
করিতেছি আনাগোনা, ফের আসিয়াছি
হস্তিনার কাছাকাছি, দেখি ফিরে ঘুরে ।

২য় । আজ থাকি এইখানে, সন্ধ্যা হয়ে এল ।

১ম । এই যে প্রকাণ্ড বট, চুলু ওর তলে,
আগুন জালিয়া এই পাখী পুড়ে খাই ।

২য় । ওমা !

১ম । কি হে ?

২য় । মস্ত এক ছায়া,—দুটে। ছায়া ।

পৌরাণিকী ।

১ম । ভাল হ'ল, চল দেখি । কে হে তুমি ভাই ?

এক । কে তোমরা ?

১ম । পরিশ্রান্ত নিবাদ হুজন ।

এক । হেথায় কোটরে আছে কিছু ফল মূল,
খাও যথা অভিকৃতি ।

১ম । (নিকটস্থ হইয়া) একলব্য তুমি ?

এক । কে তোমরা ? হেথা কেন ? কারে খুঁজিতেছ ?
যারে চাহ পাবে না তাহারে, চলে যাও ।

ক্রতবেগে বনমধ্যে প্রস্থান এবং নিবাদগণ

কর্তৃক পশ্চাৎগমন ।

১ম । পেয়েছি, পড়েছ ধরা, পলায়ো না আর ।

এক । পালাবনা, পারি কিন্তু মারিতে হুজনে
একা আমি । ভাল চাও, শীঘ্র চলে যাও ।

২য় । আমাদের কোন কাজ তোমার মতন
পাগলের সাথে ? সাস্বনা মানেনা
বুড়া বাপ, কেঁদে কেঁদে অন্ধ হয়ে গেল,
দেশে দেশে পাঠায়েছে তোমারে খুঁজিতে—

এক । মরিতে এসেছ হেথা, অথবা মারিতে ?

১ম । বলে দাও, ফিরে গিয়ে রাজ্যে কি বলি ।

এক । ফিরিবে সে একলব্য ব্রত সাক্ষ হ'লে,

তাহে যদি দাও বাধা, ফিরিবে না আর,
জোর করে লয়ে এলে আপনার হাতে
আপনি হইবে খুন—থাকিবে তো মনে ?

১ম । এমন নিষ্ঠুর তুমি ? না ফিরিতে যদি
মরে বাপ ? একবার করিবে না দেখা ?
বালক তোমার ভাই, তোমার বাপের
কত শত্রু, তোমা হেন পুত্র থেকে, যদি
বার্কক্যে হিরণ্যধেনু শত্রুহাতে মরে,
তাতে তব দুঃখ লজ্জা নাই ? [ফলাহারে প্রবৃত্ত]

এক ।

যাও—যাও !

(স্বগত) আমারে করিছে ক্ষিপ্ত । প্রতিজ্ঞা আমার
ভেসে যাবে স্নেহ-স্রোতে । কি সে স্নেহ, তার
নাহি মূল্য, পুরুষত্ব নাহি যাতে, যাহা
দোলায় সংকল্প, ব্রত ভেঙ্গে দিয়ে যায় ।
বিধাতঃ তোমাতে ডাকি ব্যাকুল-হৃদয়,
রক্ষা কর জনকেরে জঘনীরে মোর ।

[উত্তরকে আহারে প্রবৃত্ত দেখিগা নীরবে প্রস্থান]

২য় । যা'বলিলে বলিব তা, অন্ধকার রাত,
এখানে থাকিতে দাও । [মুখ তুলিয়া]
কোথায় সে গেল ?

পৌরাণিকী ।

- ১ম । সুধার্ত্ত খাইতে ছিনু গোটাকত ফল ।
এর মধ্যে কোথা গেল ? একলব্য ভাই !
একলব্য ! একলব্য ! শোন শোন ভাই !
- ২য় । সকলি ভূতের কাণ্ড ।
- ১ম । চল খুঁজে দেখি ।

দ্বিতীয় দৃশ্য ।

বনভূমি । মধ্যাহ্ন । নিষাদঘরের প্রবেশ ।

- ১ম । সারা রাত্রি অন্ধকারে মশাল জ্বালায়ে
খুঁজিলাম । আজ ফের পাতি পাতি করে
সারা বন খুঁজিতেছি, কোথাও সে নাই ।
- ২য় । এইতো প্রকাণ্ড এক ব্রাহ্মণ দাঁড়িয়ে,
এর মধ্যে ভূত আসে 'অন্ধকার' হলে ।
- ১ম । ভূত থাক্, প্রেত থাক্, সে হেথায় নাই ।

চতুর্থ অঙ্ক ।

প্রথম দৃশ্য ।

বনভূমি । মৃগয়ার্থ কুমারগণের একটি কুকুর লইয়া প্রবেশ ।

অর্জুন । (স্বগত) কি আশ্চর্য্য !

অশ্ব । অত্যাশ্চর্য্য !

ভীষ্ম । কি বল অর্জুন ?

অর্জুন । আশ্চর্য্যই বটে, কিন্তু নূতন আয়ুধ
নহে বিশ্বয়ের হেতু, শিক্ষাই তাহার
করিছে বিশ্বিত যোরে শতগুণে । ভবে
জামদগ্ন্য, তারপর তাঁর শিষ্যদ্বয়,
ভীষ্ম দ্রোণ সুপণ্ডিত রণে, অস্ত্রজ্ঞানে,
ইহাঁদের সমকক্ষ নাহি অণু জন,—

অশ্ব । “অতঃপর,” বলেছেন গুরু নিজমুখে,
“ফাস্তুনি কুশলী শস্ত্রে ; নহে বেশী দিন
“অতিক্রমি আচার্য্যের বিদ্যা-পরপারে
“যাবে যবে । গুরুদত্ত বিদ্যা বীজসম,
“শিষ্যের হৃদয় হলে সরস উর্ধ্বর,
“অঙ্কুরিত, পল্লবিত, বৃক্ষে পরিণত
“ধরে শতগুণ ফল । কুশিষ্ঠ্য সে জন,

দ্বিতীয় দৃশ্য ।

হস্তিনা । কুমারগণের বিহার ভূমি ।
একদিক হইতে দ্রোণ ও অন্যদিক হইতে
অর্জুন-প্রমুখ কুমারগণের প্রবেশ ।

দ্রোণ । (স্বগত) কি ব্যাপার ? আরক্তিম ক্রোধে অভিমানে
মানী অর্জুনের মুখ, পশ্চাতে বিস্মিত
অন্য শিষ্যগণ মোর, দীপ্ত কৌতুহলে ।

অর্জুন । একি অবিচার দেব ?

দ্রোণ । বত্‌স কি হয়েছে ?

অর্জুন । এই দেখ পশু, মুখে দেখ শরসাজি,
অবরুদ্ধ শব্দপথ, অক্ষত শরীর,
একি চমৎকার বিজ্ঞা, আমি নাহি জানি ।
দেখ কিপ্র অস্ত্রক্ষেপ, নিপুন সন্ধান,
হেন শিক্ষা গুরুদেব, দিরাছ আমায় ?

দ্রোণ । দিই নাই, কিন্তু বত্‌স ভাবিয়াছি মনে,
শিখাইব অবিলম্বে, আছে অস্ত্রজ্ঞান
বত্‌টুকু অবশিষ্ট মম । কি আশ্চর্য্য দেখ !
আমার তুণীর হতে লইয়াছে যেন
সায়ক—সহেতে নাম অঙ্কিত আমার
ফলকে ও কঙ্কপত্রে । কে এ ধনুর্ধর ?

পৌরাণিকী ।

অর্জুন । নহে ধনুর্ধর শুধু, ব্রহ্মচারি-বেশে
কঠোর সাধনা করে, জানি না কাহার ।
এই সারমের রব তপোবিন্দু বলি
হরিয়াছে বিদ্যাবলে, রেখেছে জীবন,
অকৃত সমগ্র দেহ । অস্ত্র নানাবিধ
রয়েছে সম্মুখে তার আমাদের মাঝে
কেহ ধনুঃ কেহ গদা, কেহ চক্র ধরে,
এক অস্ত্রে অধিতীয় । দেখে মনে হয়
সে তপস্বী বিশারদ সকল বিদ্যায়
সমতুল্য । দিব্য অস্ত্র দেখিছু রয়েছে
বেষ্টি তারে, শক্তি তার নাহি জানি কত ।

দ্রোণ । বলেছে সে দ্রোণ শুরু তার ?

শিষ্ণুগণ । বলেছে সে

দ্রোণ শুরু তার, শুরু ।

দ্রোণ । ব্রহ্মচারি-বেশ ?

ভীম । ব্রহ্মচারী, বনবাসী, চীর-অটধর ।

দ্রোণ । সে কি মায়াজর কেহ ? লাগিছে বিশ্বয় ।

পুত্র অশ্বথামা, পার্থ, প্রিয় শিষ্ণু যম,

অনুকুল মোর সাথে কর বিচরণ,

বনেচর চীরধর, তপস্বী অটল

কাহারে দেখেছে দিতে শস্ত উপদেশ ?

অথ। মিথ্যা কথা বলেছে সে।

অজ্ঞান।

কাপুরুষে বলে

মিথ্যা কথা। কার ভয়ে হেন খস্কুর

কহিবে অসত্য বাক্য—কোন প্রয়োজনে ?

হ্রোগ চল যাই, তথ্য এর করিব নির্ণয়।

তৃতীয় দৃশ্য।

বনভূমি। হ্রোগের প্রতিবৃষ্টির সম্মুখে একলব্য

করপুটে দণ্ডায়মান। সশিষ্য হ্রোগের প্রবেশ।

অজ্ঞান। এই দেখ কৃতান্তলি করিছে বন্দনা

কোন দেবে। স্বল্পশেষে তুলিছে কাশ্মুক।

(একলব্য কর্তৃক হ্রোগ পীড়াতিমুখে পরবেশ)

এই ফিরায়েছে মুখ, চিনেছে তোমারে

আচার্য্য, চরণে তব করিছে প্রণাম

সহিতে, এ অষ্টশর অষ্টাঙ্গের স্থলে।

হ্রোগ। (নিকটস্থ হইয়া) কে তুমি যুবক, মোরে করিছ বিস্মিত ?

পৌরাণিকী ।

সামান্য মনুষ্য নহ, মনুষ্য কি দেব
তাহাও বুঝিতে নারি । দেহ পরিচয়,
কহ এই বনাশ্রমে তপস্বীর বেশে
কেন কর অস্ত্রাভ্যাস, কেবা গুরু তব ।

এক । তুমি গুরু ।

দ্রোণ । আমি ?—আমি চিনি না তোমারে ।

এক । মনে পড়িবে কি দেব ? গেছে কতকাল,
মাস বর্ষ তারপর করি না গণন,
দিয়াছিলে ফিরাইয়া, স্বপ্নাবিষ্ট বলি
অথবা বাতুল ।

অজ্ঞান । দেব হইছে স্মরণ ।

উজ্জল-শ্যামল-কান্তি, সুগঠন যুবা
একদিন দ্বিপ্রহরে দাঁড়াইয়া ছিল
তোমার সম্মুখে, যোড় হস্তে । জিজ্ঞাসিত্ত
কে এ যুবা ? তুমি হেসে করিলে উত্তর,
“ব্যাধপুত্র, স্বপ্নাবিষ্ট অথবা বাতুল ।”
ভাবিলাম—ব্যাধপুত্র ? কত্রিষ এ নহে ?
নয়নেতে স্বপ্নাবেশ ? নহে একাগ্রতা ?
বিস্ময় লাগিল মনে, ডাকিলো অগ্রজ
সেই ক্ষণে, চলে গেহু ভুলে গেহু সব ।

এ সেই যুবক ।

দ্রোণ । মনে পড়ে স্বপ্নবৎ ।

দাও পরিচয়, বৎস ।

এক । একলব্য আমি,
নিষাদ হিরণ্যধেনু জনক আমার ।

দ্রোণ । কেন তুমি বলিতেছ আমি গুরু তব ?

এক । তোমারে বরিয়া গুরু, রচি মূর্তি তব—
এই মূর্তি—আনিয়াছি উপস্থার বলে
তোমারে ইহার মাঝ, একাগ্র হৃদয়ে
তোমার সম্মুখে করিয়াছি শস্ত্রাভ্যাস,
লভিয়াছি নানা মন্ত্র তোমারি কৃপায় ।

দ্রোণ । এ সাধনা কি লাগিয়া ? নিষাদ তনয়,
উর্দ্ধনেত্রে, পাশহস্তে, পক্ষী ধরিবারে
বিচরিতে বনে বনে ; সামান্য আয়ুধে
কুদ্রপ্রাণ যুগকুল করিবে নিধন ;
তবে কেন ছোণে পুঞ্জি, ছোণের অজ্ঞাতে,
তপোবলে, তাহা হতে করেছ হরণ—
কত্রিকুল-কালরাত্রি পরশুরামের
অস্ত্রবিষ্ঠা ? হরিয়াছ হতালন সম
অশরীরি দিব্যায়ুধ, লোক-ভয়ঙ্কর,

পৌরাণিকী ।

দেহের স্থাপন নানা, হস্তের লাঘব,
প্রাণীর বিস্ময়-হেতু । কি হইবে তব
এ সকলে ? নহ বিপ্র, নহ ক্ষত্র, তুমি
অম্পৃশ্য চণ্ডাল স্তূত, কি অভীষ্ট লাভ
বৃথা এই দেহকয়ে, কালকয়ে তব ?
নিরর্থক করিয়াছ মানব দুর্লভ
জ্ঞান আহরণ, বৃথা শক্তি-সঞ্চয়
আযোগ্য আধারে, বৃথা, বৃথা, এ সাধনা !
এক । কি আমি কহিব দেব ? তুমি গুরু মম,
ইচ্ছায় বা অনিচ্ছায়, জ্ঞানে বা অজ্ঞানে
তুমি এ অযোগ্য জনে বশ্য করিয়াছ
জ্ঞান দানে, শক্তি দানে । না হয় উচিত
তব সনে বাক্যরণ । ক্ষমিও ধৃষ্টতা
অধমের, কিন্তু কহ, সুধাই তোমারে
গুরুদেব, জ্ঞান শক্তি নিরর্থক হবে,
তবে সে কেমন শক্তি জ্ঞান ? আধারের
গুণে পূত, অপূত বা হবে যে আধেয়,
সে আধেয় না থাকিলে কিসে কতি কার ?
তোমরা ধরার দেব, লহ দেব পূজা—
দুর্দান্ত ক্ষত্রিয়গণে করিছ শাসন

ব্রহ্মতেজোত্তরে ; বিপ্র, পবিত্র তোমরা,
 মোরা তোমাদের নহি স্পর্শযোগ্য ! কিন্তু
 যেই জ্ঞান শক্তিরূপি, জ্ঞাতির ভাঙারে
 আহরিয়া সঙ্কোপনে করিছ রক্ষণ,
 যার গুণে দীপ্তিময়, ব্রহ্মমুখোদগত
 শুভ আশীর্বাদ সম বেড়াও ভূতলে
 জীবের কল্যাণ সাধি,—মানে না সে জ্ঞান
 দ্বিজ শূদ্র বর্ণ আধারের ! জানি আমি
 শূদ্র শূদ্র, ক্ষত্র, ক্ষত্র, বিপ্র বিপ্র হয়
 জ্ঞান-পরিমাণ বশে । অস্পৃশ্য আছিল
 ইতিপূর্বে, আছিলাম অযোগ্য তোমার
 শিষ্য হইবার ; শিষ্য, স্পৃশ্য আমি আজি
 ভগবন্,—কর মোরে কর আশীর্বাদ ।

দ্রোণ । করি আশীর্বাদ, যেন জীব-অমঙ্গল
 নাহি হয় তোমা হ'তে ।

এক । . . . অমোঘা এ বাণী ।

ভীম । দয়াবান্ গুরুদেব যুগপক্ষী প্রতি !

অশ্ব । মূর্থ, মনে নাই শূদ্র ভগবীর কথা—
 রামরাজ্যে অমঙ্গল এনেছিল কত ?

অর্জুন । গুরুদেব, পরাভবি ক্ষত্রিয় কুমার

পৌরাণিকী

অর্জুনে, ইতিমধ্যে করিল সাধন
ক্রীষহিত ব্যাধিশিঙ । পঞ্চাল নৃপতি
মরিবে যুগয়ু হস্তে বনযুগী সম ?
কৃপা করি যেই শিক্ষা দিয়াছ অর্জুনে,
যথেষ্ট তা ক্রপদের সমুচ্ছ নগরী
মিশাইতে ধূলি সাথে । প্রতিজ্ঞা রাখিতে
সতত প্রস্তুত পার্থ । অপর দক্ষিণা
দিবে একলব্য তোমা, কৃত্রিয় অর্জুন
আনি দিবে তব পদে দক্ষিণা ক্রপদে ।

অশ্ব । বলেছিলে তুমি তাত, অর্জুন তোমার
হবে প্রিয়তম শিষ্য ; আমি পুত্র তব,
আমারেও না শিখাবে অর্জুন হইতে
বেশী কিছু । সে প্রতিজ্ঞা ব্যর্থ হয়ে গেল ।

ভীম । দুর্ধ্যোধন নীচাশয়, ইহায়েও ডাকি
বন্ধু বলি আলিঙ্গন দিবে, আমাদের
বাড়াইতে শক্র সঙ্খ্যা । এখনি এখানে
মাথা কাটি ব্যাধ পুত্রে পাড়ি ভূমিতলে ।

অশ্ব । চুরি করিয়াছে বিজ্ঞা তব, দণ্ডদান
কর চৌরে ।

অর্জুন । নাহি জানি হেথা দাঁড়াইয়া

কেন আছি । যাই দেব, যুগয়ার পুনঃ ?
ব্যাধ পুত্র, ধন্য শিক্ষা, বিচিত্র তোমার
লঘুহস্ত । দ্রোণ প্রিয়, ধন্য জন্ম তব ।
ক্ষোভ এই তুমি মোর নহ স্বজাতীয়,
নারি যুদ্ধে পরীক্ষিতে উভয়ের বল ।

দ্রোণ । কৌন্তেয় দ্রোণের প্রিয়, নহে ব্যাধস্তত ।
একলব্য, শিষ্য মম, সর্ব অস্ত্র জ্ঞান
লভিয়াছ একে একে, কি দিবে আগারে
দক্ষিণা ?

এক । কি চাহ দেব ? দিব যাহা চাও ।

দ্রোণ । দাও তবে শির তব জটাজূটময় ।

এক । (সহাস্তে) দিতে পারি এই দণ্ডে, গুরু নিদেশিলে

দ্রোণ । না, না, বত্স, নাহি কাজ মস্তকে তোমার,
নিরর্থক নাহি চাহি দান । দিবে যদি,
সমূলে কাটিয়া দাও দক্ষিণ হস্তের
বন্ধাজুলি ।

এক । তাই দিব । (অঙ্গুলি ছেদনপূর্বক)

কুত্র এ অঙ্গুলি,
নহে কিন্তু কুত্র দান, এ দক্ষিণ হাত,
বহু তপস্যায় লব অর্ক জীবনের

পৌরাণিকী ।

- শিক্ষা সহ, গুরুদেব, এই লহ তবে ।
অশ্ব । ব্যাধের অঙ্কুলি গেল, ক্রত্বির ভয়,
পিতার প্রতিজ্ঞা পার্থ, ব্যর্থ নাহি হয় ।
দ্রোণ । করিহু ব্যাধের কর্ম প্রতিজ্ঞা পালিতে ।
অর্জুন । যথা জ্ঞান, তথা ভক্তি, না হ'লে অর্জুন,
হইতাম একলব্য । ক্রত্বির, নিষাদ,
সমান সার্থক জন্ম হইত আমার ।
দ্রোণ । আশীর্ব্বাদ করি বত্স, জন্মান্তরে যেন
উচ্চকূলে হয় জন্ম । চলিহু ।
এক । প্রণাম ।
সশিষ্যে দ্রোণের গ্রহান
একলব্য-মাতার প্রবেশ ।
মাতা । বত্স, একলব্য !
এক । মাতঃ প্রণাম ।
মাতা । আমায়ে
ক্ষমা কর, প্রাণাধিক্কা । এহু ফিরাইতে
দুশ্চর সাধনা হতে । গৃহে চল, বাছা !
জীর্ণ দেহ, স্নান মুখ, চীর জটাধর,
কতকাল হেন কষ্ট করিবি বহন ?
মাস পরে যায় মাস, বর্ষ বর্ষ পরে ?

তুই বিনা গৃহ অঙ্ককার, মার প্রাণ
আকুল সতত ।

এক । সিদ্ধ মনোরথ, মাতঃ
চল যাই ।

মাতা । সিদ্ধ মনোরথ বত্‌স ? ভাগ্যবতী আমি ।
একি বত্‌স ! তপ্তধারা কেন করতলে ?
রক্ত কেন ? একি তাত ! অঙ্গুলি তোমার ?

এক । দক্ষিণা দিয়াছি মাগো গুরুদেবে মম ।

মাতা । কে সে ?

এক । ভরষাজ পুত্র দ্রোণ । হের তাঁর
অবিকল প্রতিমূর্তি, আপনার হাতে
গড়িয়া, করেছি পূজা এতকাল ধরি ।

মাতা । কিসের দক্ষিণা, বাবা, পারিলা বুঝিতে ।

এক । জানতো জননী, আমি কি সংকল্প লয়ে
আইলাম গৃহছাড়ি । ব্যাধপুত্র বলে,
ফিরাইলা দ্রোণ ঘেঁরে । এই বন ক্রোড়ে
এই মূর্তি পূজা করি, লভিয়াছি আমি ।
• দ্রোণ অধিগত যত বিদ্যা । দৈব ক্রমে
উপনীত গুরু আজ সশিষ্য মণ্ডলী
এ বিপিনে ; জিজ্ঞাসিলা পরিচয় মম,

পৌরাণিকী ।

সুধাইলা কার কাছে করিয়াছি লাভ
সুছন্দ অন্ধজ্ঞান, প্রক্ষেপ কৌশল;—
কহিলাম, দ্রোণ শিষ্য আমি । দ্রোণদেব
চাহিলা দক্ষিণা, মোর দক্ষিণ হস্তের
অঙ্গুলি ।

মাতা । ক্রমতি, পাপিষ্ঠ সে দ্রোণ ।
এক । জননী গো, তাঁহারে কর'না তিরস্কার ।
 গুরু মোর জ্ঞানদাতা, নিদ্রিত জীবনে
 নিদ্রিত শক্তি মোর করিলা চেতন,
 জানিলাম সুপ্তোখিত, কত বল আছে
 দুই বাহু করতলে, প্রতি অঙ্গুলিতে
 কি কৌশল, কি লাঘব ! ক্ষুদ্র ছনয়নে
 কি সূক্ষ্ম, কি দূরদৃষ্টি ! মনে দেহে,
 অঙ্গে অঙ্গে, ইচ্ছিতে সঙ্কটে,
 চলে কথা কত দ্রুত ! যার দরশনে,
 বিস্ময়ে বিশালনেত্রঃ আপনার পানে
 চাহিলাম, চিনিলাম, পাইলাম হাতে
 আপনারে, তাঁরে দিয়া ক্ষুদ্র এ অঙ্গুলি
 সে ঋণের শতাংশও হইল কি শোধ ?
মাতা । হারালে দক্ষিণ বাহু অঙ্গুলির সাথে ।

একলব্য ।

এক । হারানু অঙ্গুলি শুধু, আছে অস্ত্রজ্ঞান ।
মাতা । কি হইবে অস্ত্রজ্ঞানে, অস্ত্র ব্যবহারে
অসমর্থ যদি কর ?

এক । এই যে জননী,
অক্ষত রয়েছে বামহস্ত ; মস্ত্র জ্ঞান
অক্ষত স্মৃতিতে, আছে জ্ঞানের আনন্দ
পূর্ণ করি এ হৃদয় । আছে অমৃতের
কুলের ভরসা, মম ভাবী শিষ্যগণ ।

মাতা । সর্বোপরি মহেশের অশীর্ষাদ ছায়া
থাক্ আরো চিরদিন,—

এক । মাতৃস্নেহ রূপে ।
(মাতার কণ্ঠে পতন ।)

সমাপ্ত

স্বৰ্গদূত্বের প্রতি দোণ

ধ্বংসের প্রতি দ্রোণ ।

এস বৎস । আমি দ্রোণ । স্বকৃত সমাজে
অনেকের গুরু আমি । অস্ত্রশিক্ষা লাগি
আসিয়াছ মোর কাছে, ক্ষত্রিয় কুমার,
ফিরিবেনা শূণ্য হস্তে ; কোশলে পুরিয়া
দিব হস্ত, দিব স্মৃতি মস্ত্রাচ্ছন্ন করি,
দেহে দিব নব শক্তি ছাড়িতে ধরিতে
নব অস্ত্র । রাজপুত্র তুমি, সুলক্ষণ,
শুনিয়াছ কত রাজ চক্রবর্তি-কথা—
কেমনে দোর্দণ্ড বলে অবনী লুপ্তিয়া,
সঞ্চিত স্বর্ণ রাশি দিলা অকাতরে
অধিগণে । রাজ্ঞের প্রসিদ্ধ এ রীতি,
আশ্রিতে করিবে রক্ষা, করিবে বিবাহ
প্রেমার্থিনী রমণীরে, তুমিবে যাচকে ।
ব্রাহ্মণেও জানে দান-পুণ্য, স্বত্র সম ।
ব্রাহ্মণের নহে বৎস, ভিক্ষা ব্যবসায়,
রাজ দ্বারে স্তুতিপাঠ, জীবিকা অর্জন,
বিনা পরিশ্রমে । দেখ, যেই দেহ বলে

পৌরাণিকী

কৃত্রিয় করিছে রক্ষা নিত্য প্রজাকুল,
এই বল-স্রোতঃ-মূল কোথায় সঞ্চিত
দেখ বত্স । এই বল ব্রাহ্মণের মনে ।
যত ধর্ম কর্ম বিধি, আচার ব্যভার
কে করে নির্দেশ ? যদি বর্ণ চতুষ্টয়
একত্র মিলিয়া রচে নর-জাতি-দেহ
তাহার মস্তক, চক্ষু চিন্তা বাক্য সহ,
বিপ্ররূপে স্থিত । নহে নিতান্ত কল্পনা
সেই পৌরাণিকী কথা, ব্রহ্মার আননে
ব্রাহ্মণের জন্ম,—তার গূঢ় অর্থ আছে ।
বিজ্ঞান কাননে গিয়া, ধ্যানেন অধ্যয়নে
কাটে কাল যাহাদের, সেই শাস্তিপ্রিয়
মুনি ষত, তাহারাও করে প্রতিদিন
মানবের তরে ধনার্জন, বহু কষ্টে,—
চিন্তাধন, দিব্যগতি, অনখর জ্যোতিঃ
চরিত্র প্রভাব, যারঃদরশে পরশে
দূর হতে গ্লান চিত্ত হয় সমুজ্জল !
ইহারা সঞ্চয় করে ভোগ সুখ ত্যজি,
যেই গুপ্ত জ্ঞানরাশি, তারি ক্ষুদ্র কণা
লভি, সাধারণ জন চলিতেছে পথ ।

ধ্বংসের প্রতি দ্রোণ

আমি দ্রোণ, নরকুল-শীর্ষ-স্থান-স্থিত
জামদগ্ন্য গুরু মোর, আমার যা আছে
অল্প জ্ঞান দিই আমি ব্রাহ্মণের মত,
পাই যদি উপযুক্ত পাত্র । এই খানে
ক্ষত্র ব্রাহ্মণের দোখবে পার্থক্য তুমি ।
ক্ষত্র ধন দেয় দর্পভরে, হেলে ফেলে,
যেন তার কোন মূল্য নাই কারো কাছে,
সে ধন যে জন লয়, উপযুক্ত কি না
নাহি দেখে । ব্রাহ্মণের কষ্টার্জিত ধন
নহে অবহেলা যোগ্য ; যে চাহে লইতে,
লইতে হইবে তারে আগ্রহে, আয়াসে ;
তেঁই গুরু নানাছলে করেন পরীক্ষা
শিক্ষার্থীর জ্ঞান ক্ষুধা, সৈধ্যা ধৈর্য্য তার ;
চাহেন জানিতে প্রথমেই, এ ক্ষুধার
সমাप्ति কোথায় । তুমি জুপদ তনয়
ধ্বংসের, সুবিশাল পঞ্চাল-রাজ্যের
চির-ফলবতী আশা । অর্ধেক আমার
যে রাজ্যের, যার অল্প প্রভু যজ্ঞসেন
আমার শৈশব সখা, সে রাজ্যের তুমি
হবে একেশ্বর, বত্স । যতনে তোমায়ে

পৌরাণিকী

শিখাইব বিদ্যা মম । সখা-পুত্র তুমি
আমার তনয় তুল্য । সখার সে মুখ,
স্নেহোজ্জল, তেজোপূর্ণ, দন্তলেশ হীন—
সেই কৈশোরের মুখ আনিয়াছ তুমি
বৃদ্ধের সম্মুখে আজ । যাহা চাও, দিব
তোমারে, শিখাব যত্নে জানি যাহা কিছু ।
আগ্রহ, অভ্যাস, যত্ন, এ সকল তব
পরীক্ষায় নাহি কাজ । তোমার সাধনা
জানা আছে । পিতৃহৃদে জ্বলিছে অনিশ
যেই প্রতিহিংসা বহি, তাই মূর্ত্তি ধরি
অবতীর্ণ তোমা মাঝে । দ্রোণের নিধনে
তোমার জীবন ব্রত হবে উদ্‌ঘাপিত ।
ধন মান, সুখ স্বর্গ জীবন হইতে
প্রিয়তর, শ্রেষ্ঠতর সত্য,— পুরুষের
বাক্যরক্ষা । ভারস্বাক্ষ করেছ পালন
স্বপ্রতিজ্ঞা, বিপ্রোক্ষিত ; হয়েছে সময়
ক্রপদের ; তুমি পিতৃ তপস্কার ফলে
জন্মিয়াছ মৃত্যু মম । আজ শিষ্য তুমি;
আমি গুরু । স্কন্ধত্রিয় স্ত্রাবাক্ষণ কভু
করে না কলহ অন্ধ নিয়তির সাথে ।

ধ্বংসাত্মকের প্রতি দ্রোণ ।

জীবনের মূল্য শুধু যাপন প্রথায়,
সুদীর্ঘ আয়ুতে নহে । বিস্মিত হইছ
কেন বত্স ? এই তুমি ভেবেছিলে মনে,
গোপনে রক্ষিয়া পিতৃ মন্ত্র, শিক্ষা লভি
ফিরে যাবে, দিবে শেষে দক্ষিণা স্বরূপ
ব্রাহ্মণের ব্রাহ্মণত্ব—কুল ক্রমাগত
দরিদ্রতা ? তাই ভাল সাজে ভরদ্বাজে ।
কেন সাজে, আপনারে করেছ জিজ্ঞাসা
কোন দিন ? গুরু-ভার তারে শোভা পায়
সক্ষম সবল যেই, চলে অকাতরে
উন্নত মস্তকে, যেন দর্পভরে, যেন
নিজ বলস্বাদ লভি হর্ষ-মত্ত—অই
সৈন্য তুরঙ্গ তব, শিক্ষিত সুন্দর,
তেজীমান, এল যথা তোমায়ে লইয়া
বক্রগ্রীব—অর্থ পৃষ্ঠে সঙ্কল সুদৃঢ়
যুব-দেহ নয়নের কি গর্তীর সুখ !

অভাবের গুরুভার—রাজ্যভার হ'তে
হুঃসহ-হুর্ষহতর—বহি স্বেচ্ছাক্রমে
ব্রাহ্মণেরা চলে আগে, গুরু পুরোহিত
বলি তাই পূজা লভে মানব সমাজে ;

পৌরাণিকী

তাই ইহাদেৱে লোকে ভূদেবতা বলে ।
কিন্তু বৎস, অভাবের ভার অতি গুরু,
দেহ শ্রান্ত করে, মন অবসন্ন করে,
ক্ষয় করে হৃদয়ের বল, কেড়ে লয়
তীক্ষ্ণ স্বৰ্ম্মাধা জ্ঞান ; বিশেষতঃ, যদি
ধৰ্ম্মাধাতী দারিদ্র্যের সাথে মৰ্ম্মাধাতী
স্নেহ এসে মিলে । শূদ্র, বৈশ্য বা ব্রাহ্মণ
যেই হোক, কৰুক সে জগতের কাজ
যে বিধানে, গৃহস্থ সে হইবার আগে
ভাবে যেন কি উপায়ে করিবে পোষণ
আপন কলত্র-পুত্র স্বাধীন গৌরবে ।

সে কাহিনী শুনেছ কি তুমি ? পিতা তব
হাসিলা অবজ্ঞাভরে, মন্ত ধন মদে,
স্বহৃদেৰ আলিঙ্গন স্থলে,—“দরিদ্র এ
চীরবাসা, অর্দ্ধাহাৰ্ণে লীর্ণ ; ভিক্ষা চাহে,
ভিক্ষা দিব, সখা বলি, বাতুলের মত
কেন আপনারে হেন হাস্যাম্পদ করে ?”—
এই মিত্রোচিত বাক্যে তুমিলা ব্রাহ্মণে ।
ভিক্ষা চেয়েছিল সত্য ; কিন্তু সে কিসের
ভিক্ষা ? আগে স্বহৃদেৰ কাছে সৌহার্দেৰ,

ধ্বংসাত্মকের প্রতি দ্রোণ ।

ক্রীড়া সহচর কাছে সোদর-মমতা,
মহতের কাছে মোর অধীত বিষ্ণার
সমাদর, শ্রদ্ধেয়ের কাছে নব শ্রদ্ধা
যবে পাব, অন্ন দুগ্ধ ইহাদের ছায়া,
আসিবে পশ্চাতে, ভেবেছিহু । আজ তুমি
রাজপুত্র, মোর কাছে বিনীত বচনে,
আনত মস্তকে ; আমি সেই দীন দ্রোণ,
সেই মানী দ্রোণ, সেই সৃষ্টির প্রতিজ্ঞ
দ্রোণ । সেই দিন হৃদি বিদ্ধ, ক্রুদ্ধ, মনে
যে সংকল্প করেছিহু, পূর্ণ হইয়াছে ।

কোন্ স্মৃতি স্মধুর বাল্যস্মৃতি সম ?
কোন্ স্নেহ জীবনের দিবাভাগে হেন
মনে পড়ে, যথা শুল্ক শিশির শীতল
মনে পড়ে রৌদ্র দগ্ধ দুর্বাদলে দেগি ?
আমাদের শিশুকাল আছিল সুন্দর
বসন্তের প্রভাতের মত । রাজ্যাসনে
সমাসীন, শৈশবের সুখ সখ্য সব
ভুলে গিয়ে, রাজ গর্বে ঠেলিলা চরণে
সমাগত বিজ-স্নেহ, সুহৃৎভি ধন ।
সেইকণে মনে মনে প্রতিজ্ঞা করিহু

পৌরাণিকী

বন্ধু আমি, বন্ধুত্ব করিব সাধন,
শিখাইব যজ্ঞসেনে কত মূল্যবান
দ্রোণস্নেহ, কোন ছার রত্ন সিংহাসন,
অস্তির রাজত্ব, আর কত যে সহজ
মিত্র-লাভ রাজ্য-রক্ষা হতে। কালক্রমে
দিয়াছি এ শিক্ষা ; এক বালকের হাতে
উপাড়ি ফেলেছি ধূলে উদ্ধত মুকুট,
রাজগর্ব ভাঙায়েছি। শেষে অল্পগ্রহে
দিয়াছি অর্ধেক রাজ্য, রেখেছি অর্ধেক।
এ অর্ধেক সমস্তক শত অস্ত্র সহ
তোমারে অর্পিব, পুত্র। আমার আত্মজ
অশ্বথামা দ্বিজধর্মী, তার প্রয়োজন
কিছা লোভ নাহি রাজাসনে। একদিন,
যবে দুগ্ধ পোষ্য শিশু ছিল, প্রয়োজন
ছিল কিছু দুগ্ধে তার ; করণ ক্রন্দনে
মনে পড়ে গেল, আঁছি স্তন্য আমার
সুবিশাল পঞ্চালের বিক্রান্ত ভূপতি,
সেই দেশে গেলে আর রবেনা অভাব।
হে কল্যাণ, আমি সেই দরিদ্র ব্রাহ্মণ,
তখন যে মান ছিল বাড়ে নাই তাহা

ধ্বংসাত্মকের প্রতি দ্রোণ

রাজ্যার্ধের যোগে,—আছে সতত সমান ;
তখন যে ক্রোধ ছিল তাই নিবিয়াছে,
তখন যৌবন ছিল, আজি তাহা নাই ।
আজ হেরি মুখ তব জাগিয়া উঠেছে
সেই পূর্ব স্নেহ, লভি বহু বরষের
সঞ্চিত জীবন । এস, এস, বত্‌স, লহ
যাহা আছে, নহে শুধু সংগ্রাম কৌশল ।
মরিবার আগে পারি যেন রেখে যেতে
তোমারে বিস্তীর্ণ এই পঞ্চাল রাজ্যের
যোগ্যতর প্রভু । আপনি বিনীয়া
মরি যেন যোগ্য হস্তে, অক্ষুণ্ণ হৃদয়ে ।

১৬ই নবেম্বর,

১৮৯২ ।

রামের প্রতি অহল্যা ।

দয়াময়, তুমি আসি প্রথম শুনা'লে,
যাহা কোন নারী শুনে নাই কোন কালে ।
তুমি পাপ লেশহীন, তুমি পুণ্যালয়,
দেখাইলে, পুণ্য— শুদ্ধপুণ্য লভে জয়
পরিণামে, পরাজয় পাপের নিশ্চয় ।
তুমি বিনা, হে কুমার, কেহ যোগ্য নয়
এ শিক্ষা বিধানে । পাপী শুধু জানে, পাপ
বিক্রান্ত, দুর্জয় অতি ; পুণ্যের প্রতাপ
জানে তোমা সম জন, আর তারা জানে
বহুভাগ্য গুণে কতু যাহাদের পানে
তোমা সম জন, চাহি করুণার ভরে,
মুছে দেয় যত পাপ'জন্য জন্মান্তরে
সঞ্চিত আছিল হৃদে । আজ মনে হয়
পৰ্বত সমান গ্রানি কিছুই সে নয় :
তব পুণ্যালোক-স্পর্শে যে শান্তির সীমা
সে শান্তি জীবনে মোর দিয়াছে মহিমা
সমুজ্জ্বল । নরদেব, কিছু ভুলি নাই,
কাল যাহা পাপ ছিল আজো আছে তাই,
শুধু সেই পাপী নাই । পাপী চিরদিন

পৌরাণিকী

থাকে না পাপের পঙ্কে বিকৃত, মলিন,
অম্পৃশ্য । প্রভাতালোকে ধরণী তেয়াগি
যায় যথা অন্ধকার, পুণ্যালোক লাগি
ছকৃতি কালিমা হয় চির অস্তহিত ;
তাই অহল্যার নাম, রমণী ঘণিত,
রবে না ঘণিত আর । বলিয়াছ প্রভু
রবে না ঘণিত । কেহ রূপা ভরে, কভু
স্নেহ ভরে উচ্চারিবে প্রতি দিনোদয়ে
ক্ষালিত-কলক নাম, শুনিবে বিশ্বয়ে
ক্ষমাতীন কভু কোন ধার্মিক-কঠিন,
ধর-রবিকর-দীপ্ত, বৃষ্টি-পঙ্ক-হীন,
উজ্জ্বল মরুর মত, কভু জ্বালাময়,
প্রাণাস্ত শীতল কভু, নহেঁ যে আশ্রয়
ভ্রাস্ত, শ্রাস্ত, ক্ষতপাদ পথিক জনের
জীবনের দীর্ঘ পর্যটনে ; তাহার যনের
বহিবে না রুদ্ধ দয়া, শুনিয়া তোমার
সুচরিত ? কহিবে না, দেখি একবার
পরীক্ষিয়া ক্ষমা গুণ ?

এই নাম স্মরি
সুপ্রভাতে সুবিপুল আশা ভর করি

রামের প্রতি অহল্যা ।

পতিতা রমণী কভু উঠিয়া দাঁড়াবে,
সহসা জীবন হ'তে খসি তার যাবে
নিরাশা গ্রস্থিতে বাঁধা পূর্ব পাপ ভার,
জীর্ণ ম্লান বঙ্গ সম । বসন লজ্জার,
ভূষা, পুণ্য অভিলাষ, জীবন সুন্দর
করিবে প্রভাত কালি সমুজ্জ্বলতর ।
তুমি আসি উজ্জীবিলে মৃত, লুপ্ত আশা,
তুমি আসি জাগাইলে সুপ্ত ভালবাসা
কঠিন পাষণ বন্ধে । কে জানিত আগে
মৃত পুণ্য, হৃত ধর্ম পুনরায় জাগে
এ জনমে ? যে ইক্ষন হ'ল ভস্ম শেষ,
কে জানিত, বর্ষাস্নাত, নব তরু বেশ
ধরি, দাঁড়াইবে স্নিগ্ধ ইক্ষুধনু তলে,
শ্রামল পল্লবাবৃত নত ফলে ফলে ?

জীবনেরি মাঝে মৃত্যু করে আগমন,
তুমি মরণের মাঝে অগ্নিনিলে জীবন ।
নারীর সতীত্ব যায়, মানব ভাষায়
শোনা ছিল, নারী কভু সতীত্ব যে পায়
তুমি তা দেখা'লে প্রভু, সে কারণে রাম,
চিরস্মরণীয় হবে অহল্যার নাম ।

যযাতি দেবযানী

স্থান—শুক্ৰাচাৰ্য্যেৰ আশ্ৰম

সময়—পুৰুষৰ্জক যযাতিৰ জৰাতাৰ গ্ৰহণেৰ

কিছুদিন পৰে ।

যযাতি । আগি আসিয়াছি দেবি ।

দেবযানী । জয় মহাৰাজ,
দেখা দিয়া বাঞ্ছা মোৰ পূৰাইলে আজ ।

যযাতি । ডেকেছ আমাৰে প্ৰিয়ে ?

দেবযানী । ডেকেছি তোমাৰে ?—

ডেকেছি—প্ৰভুৱে যদি ডাকিবাৰে পাৰে
দীনা দাসী ; মৃত্যুকালে যথা বাৰে বাৰে,
পাপ ক্ষমা মাগি, পাপী ডাকে দেবতাৰে ।

যযাতি । কি এ ব্যাধি ? মৃত্যুভয় কেন, মহাৰাণি ?

দেবযানী । মহাৰাজ, শুক্ৰ কণ্ঠা এই দেবযানী
মৃত্যুৱে কৰেনা ভয় । জৰাতাৰ দিয়া
তব দেহে, জাননাতে লয়েছি বৰিয়া
কি ভীষণ আধিব্যাধি আত্মাৰ ভিতৰে—
দহিতেছি মৰ্ম্মে মৰ্ম্মে । মৃত্যু প্ৰিয়ভৱ

পৌরাণিকী ।

অনুতাপ জ্বালা হতে । মৃত্যু শাস্তিময়
প্রাণ জুড়াবার পথ, তাহে নাহি ভয় ।

যযাতি । কি কথা বলিতে চাহ ?

দেবযানী । সব কথা, হায়

স্বদীর্ঘ ক্রন্দন হয়ে বাহিরিতে চায় !
কণেক অপেক্ষা কর । প্রভু, জানি আমি
বহু রাজ কার্য আছে । নহ শুধু স্বামী
দেবযানী শশিষ্ঠার—তুমি হও পতি
সমাগরা ধরণীর । শশিষ্ঠা সে সতী,
নিজ গুণে বাঁধিয়াছে তব চিত্ত খানি,
বাঁধ ছিঁড়ি ছুটিয়াছে দূরে দেবযানী
উন্নতা উদ্ধার মত । ব্রাহ্মণ্য-দর্পিতা,
ক্রোধে চণ্ডালিনী, বক্ষে জালিয়াছে চিত্ত
নিজ হাতে, ঈর্ষ্যা কোভ ঘৃণা অভিমান
বিষদিক্ত শরে বিধি নিজ মর্শ্বস্থান ।
কমাহীন, নির্ধন সে, দুর্বলে লাহিতে,
দলিয়াছে পদতলে আপন বাহিতে,
অজ্ঞাত অদৃষ্ট দোষে ।

আজ সুপ্রকাশ

চক্ষে তার জীবনের দীর্ঘ ইতিহাস ।

যযাতি দেবযানী ।

আপনার যত দোষ, যত ভ্রান্তি জাল
তোমাতে দেখাব, প্রিয় । রহ কিছু কাল
এই অপ্রিয়তার কাছে

শৈশব কৈশোর

জান কি আমার তুমি ? পিতৃদেব যোর
দৈত্যরাজ গুরু, তাঁর চিত্ত অবিরত
দৈত্যের কল্যাণ-ধ্যানে থাকিত নিরত,
তবু বেগবতী এক স্নেহ স্রোতস্বতী
নিরন্তর বহিয়াছে তনয়ার প্রতি,
যানে নাই কোন বাধা । রাজসভা মাঝে
স্বরাস্বর যুদ্ধে, যজ্ঞে, পাঠে, সর্ব কাজে
তাঁর অক্ষ চক্ষু যেন তনয়ার লাগি
সর্ব দৃষ্টি অন্তরালে রহিয়াছে জাগি ।
ক্ষুদ্রতম তুচ্ছতম অভিলাষ তার
সদাই হয়েছে পূর্ণ । না করি বিচার
যা চেয়েছে, শেখোঁছে সে । শুক্র মহাজ্ঞানী
দৈত্যের ভরসা বল, তাঁর দেবযানী
দুর্ললিতা, জানে নাই নিজ ইচ্ছা বিনা
এ জগতে আর কোন ইচ্ছা আছে কিনা,
আছে কিনা লজ্জা মান ভাবে নাই কভু ।

পৌরাণিকী

তার মান রেখেছেন দৈত্যকুল প্রভু,
সেই দর্পে আশৈশব আছিল দর্পিনী
পূর্ণ অভিমান বিধে । পালিতা মর্পিনী,
হৃৎপুটী, সামান্ত আঘাতে অকস্মাৎ
দংশে রোবে হৃৎদাতা পালকের হাত !
ব্রাহ্মণ সংঘমী, শুদ্ধ, দৈত্য অনাচারী,
আমি ব্রাহ্মণের কন্যা, তাই মনে ভারী
গর্ভ ছিল সংঘের আর শুদ্ধতার ।
তাই অসংযত ক্রোধে এই উদ্ধতার
ভেসে গেল সব স্মৃতি । যত ব্রত দান
শাস্ত্র পাঠ, দেবস্তুতি, দীনে ভিক্ষা দান
ব্যর্থ সব, পুণ্যহীন । সেথা পুণ্য রুহ
শ্রদ্ধা, স্নেহ, কৃমা যেথা নিরন্তর বহে
বিনয়ে আবৃত হয়ে ।

কুদ্র অপরাধ

তাই লয়ে সখীসনে করিহু বিবাদ ।
তীক্ষ্ণ-বাক্য-বাণ-বিদ্ধা ক্রুদ্ধা সে তরুণী
ফেলে দিল কুপে মোরে । আর্ন্তনাদ শুনি,
আর্ন্তবন্ধু, ক্ষাত্রধর্ম্ম যেন মূর্ত্তিমান,
দেহে বল, চিন্তে দয়া, চক্ষু জ্যোতিমান,

যযাতি দেবযানী ।

আসিলে নিকটে মোর, বাড়াইয়া হাত
উদ্ধার করিলে মোরে । সকল আঘাত
দেহের মনের, সেই বাহুস্পর্শে তব
ভুলে গেলু, লভিলু সে কি আনন্দ নব !
সে আনন্দ নীরে কেন ডুবিল না হায়
গীন ক্রোধ ? কেন শাস্তি দিলু শশ্বিষ্ঠায় ?
বিবাদের বিপদের সমগ্র कहিনী
কহিলু পিতারে কেন ? কন্যাপ্রাণ তিনি
ক্ষিপ্তপ্রায় कहিলেন,—

“ত্যাগি দৈত্যালয়
থাব চলি এ মুহূর্তে ।”

“তাও নাকি হয় !
দৈত্যকুল বাচে কতু শুক্রাচার্য্য বিনা ?
এত বড় কুলধ্বংস শেষে হবে কি না
এক বালিকার দোষে ! প্রায়শ্চিত্ত তার
করুক সে । রোষ, দেবি, কর পরিহার
শাসি সেই ছবু ভারে ; দাসী কর তারে
অপমান করেছে যে আচার্য্য কন্যারে”—
কহিলেন পায়ে ধরি দৈত্য কুল রাজ ।
স্বরিয়্য লঙ্কায় আমি মরিতেছি আজ !

পৌরাণিকী

পিতার আদেশে সখী মাথা নত করি
করিল মাৰ্জ্জনা ভিক্ষা, মোর পায়ে ধরি ;
সেই দিন হতে হ'ল নানা গুণযুত
অপূৰ্ব লাবণ্যময়ী বৃষপৰ্ব স্মৃতি।
ব্রাহ্মণ কণ্ঠার দাসী ; রাজার নন্দিনী
সৌধ ত্যজি পৰ্ণশালে হইলা বন্দিনী ।

... ..

তার পর তুমি যবে মোরে এলে লয়ে
তোমায় ঐশ্বৰ্য্য মাঝে, সেও দাসী হয়ে
এল মোর সাথে । আমি কৃপণের মত
যত স্মৃথ, যত ভোগ, স্বামি-গৰ্ব যত
দুহাতে রহিলু ধরে, আপনার তরে ;
না দেখিলু পাশে মোর কার আঁখি ঝরে,
বিগত গৌরব স্বরি, ছাড়ি প্রিয়জন
বৃন্তচ্যুত পুষ্পসম, করি বিতরণ
মৃদুল সৌরভ, কে যে শুকাইছে ধীরে ;—
তুমি দেখেছিলে—তাও দেখি নাই ফিরে ।

... ..

তব গৃহে দাসীর কি ঘটিল অভাব ?
তাহা নহে, এ কেবল দীনের স্বভাব—

যযাতি দেবযানী ।

রাজকন্যা দাসীরূপে দেখাবে সকলে
তাই আনিলাম সাথে, সখীস্নেহ ছলে ।
সখীরূপে দিয়াছিহু স্নেহ কতখানি ?
সে আমার দাসী, আর আমি রাজরাণী
এই জানায়েছি তারে । শত ক্ষুদ্র কাজে
মোর প্রসাধন কর্ণে, মোর গৃহসাজে
তার কাছে এতটুকু ক্রটি পাই নাই ।
সে ছিল রাজার কন্যা, সে জানিত তাই
ঐশ্বর্যের ব্যবহার । তপস্বিনী আমি
শুধু জানিতাম, আমি পাইয়াছি স্বাম্য
মহারাজ যযাতিরে । নিশ্চিন্ত সে স্তানে
রাখি নাই স্বামী চিন্ত সदा সাবধানে ।

... • ...

যে করুণা উচ্চারিল তোরে, দেবযানি,
কৃপ হতে, তাই তোমার দয়িতেরে আনি
মুছাইল শশিষ্ঠার নরনের নীরে,
তার পর গুণ মুগ্ধ, প্রেম ধীরে ধীরে
মিশিল করুণা সাথে । ...

মৃঢ়া বুদ্ধি নাই
আমি যে নিগুণা, হীনা, শশিষ্ঠার ঠাই ।

পৌরাণিকী ।

কঠোর ভৎসনা করি পতি সপত্নীরে
ঈর্ষ্যাদগ্ধা, পিতৃগৃহে আসিলাম ফিরে ।

... ..

এতদিনে বুঝিয়াছি, সব নিজ দোষ,
অযথা ভৎসনা মোর, অযথা সে রোষ
ঢালিত পিতার প্রাণে ।

যযাতি ।

সত্য সে ভৎসনা,

বাহা কিছু কহিয়াছ তার এক কণা
নহে মিথ্যা, তেজস্বিনি । যোগ্য তারে ক্রোধ
যে অসীম বিশ্বাসের দেছে প্রতিশোধ
বিশ্বাসঘাতক হয়ে, —হোক যে কারণে ।
তুমি যে অখণ্ড প্রেমে বরিলে এ জনে *
তাহার অযোগ্য হিল ক্ষত্র তব পতি,
বলেছিলে তুমি,—সে তো সত্যকথা অতি ।

দেবযানী ।

তুমি চেয়েছিলে কমা, আমি ক্রোধভরে
বলেছিহু,—কমা নাই রমণীর তরে
যে পাপের, সেই পাপ করি, চিরদিন
অসংযত পুরুষ, সে ধৃষ্ট লজ্জাহীন,
অদণ্ডিত রহে স্থখে এই পৃথিবীতে ;
শুচিতারে বাখানিয়া, চাহে তা দেখিতে

যযাতি দেবযানী ।

কেবলি নারীর মাঝে । নারী তারে কনি
করে নিজ সৰ্বনাশ, তার পায়ে নমি ।
পুরুষ প্রবৃত্তি'পরে না লভিলে জয়
নারীর সতীত্ব রবে ? হোক সে নিদ্রয়,
হোক ক্রোধে অগ্নিশিখা, হোক কমাহীনা,
দেখিবে, এ নরকুল শুদ্ধ হয় কি না ।

যযাতি । নহে অর্থহীন কথা । তবু কমা চাই ;
যা হয়েছে তার যবে প্রতিকার নাই,
কমার কি নাই যুক্তি ?

দেবযানী । আছে কুলাচার,
দেশ কাল পাত্রভেদ—কত কিছু আর ।
ইহাও ভাবিতে ছিল, করিতে স্বরণ,
বিপ্রকণ্ঠা কত্রিয়েরে করেছি বরণ—
বহু পত্নীকের জাতি । ব্রাহ্মণের রীতি,
নিয়ম সংযম, তাম্র একপত্নী-প্রীতি—
কত্রিয়ানী দেবযানী সে সবেয় লোভ
কেন রাখে ? না পাইলে কেন ক্রোধ কোত্ত
উন্নত করিবে তারে ?

যযাতি । আর নাই ক্রোধ ?
বল প্রিয়তমে । তবে রাখ অনুরোধ,

পৌরাণিকী

চল নিজ গৃহে তব । তব সিংহাসন
শশিষ্ঠা চাহেনা কভু । দাসীর মতন
চিরদিন পদসেবা করিবে তা জানি,
ফিরে চল দেবযানি, মোর মহারাণী ।

দেবযানী । ফিরিবার পথ মোর নাই, আর নাই ।
শশিষ্ঠার পতিগৃহে আমি নাহি চাই
পত্নীত্বের অধিকার । স্বামি-গৃহ মম
ছিল যা হৃদয়ে, আজ ভগ্ন-চূর্ণ-তম,
আর উঠিবেনা গড়ি । সেথা সমাদরে
স্বামী বলে বসাইতে নারি প্রেমভরে ।

যযাতি । আছে পুত্রদ্বয় তব । তাহাদের স্নেহে
ফিরে চল স্নেহময়ি, তব—পুত্রগেহে ।

দেবযানী । পুত্রকথা শুনাইলে—বলহে রাজন্,
হয়েছে কি তারা তব স্নেহের ভাজন ?

যযাতি তাতেও সন্দেহ আছে ?

দেবযানী বড় ক্লোভ প্রাণে,
শশিষ্ঠার পুত্র পুরু, আত্ম সুখ দানে
তোমারে করেছে সুখী, ধন্য আপনারে,
যশস্বিনী জননীরে । আমি বারে বারে

যযাতি দেবযানী ।

নিজেরে জিজ্ঞাসি, কেন আমার সন্তান
পারেনাই সাধিতে এ ব্রত স্মহান ?
অসহিষ্ণু দেবযানী আত্মস্থগ মাগি
ফিরিয়াছে চিরদিন ; অপরের লাগি
কি কবে দিয়াছে ছাড়ি ? কি দিয়াছে বলি
প্রেমের চরণে ? শুধু আপনারে ছলি,
শুদ্ধি সংঘের নামে পুষ্টি অভিমান
ফিরিয়াছে, অসন্তোষে, রোষে ভরি প্রাণ .
শুনায়ে কঠোরা বাণী, দিয়া অভিশাপ,
বাড়ায়েছে চারিদিকে অপ্রেম, সন্তাপ ।
যে মহাপ্রাণতা পুত্র পুরুষ মাঝার,
যত্ন অস্তরে আমি কোন বীজ তার
পেরেছি রেখপিতে ? আমি বটে সতী ?
কি করেছি করণীয় পতি পুত্র প্রতি ?
শশিষ্ঠা স্নন্দরী, শাস্তা, শিল্প-কলাবতী,
যত হোক সেই গৌরব, প্রেম তার অতি
না থাকিলে, হেন পুত্র জনমে কি তার ?
তাই শশিষ্ঠারে আমি করি নমস্কার ।
সে কথাই মহারাজ চাহি জানাইতে,
তার প্রতি রোষ আর নাহি মোর চিতে ।

পৌরাণিকী

শশ্বিষ্ঠাই ভার্য্যা তব, যোগা-প্রজাবতী,
তারে লয়ে থাক স্মৃথে । দেবযানী-পতি
হোক অতীতের স্মৃতি । মুক্ত জরাভার,
বলিষ্ঠ কশ্মিষ্ঠ তনু লয়ে, পুনর্বার
হও দেবকার্য্য-রত, প্রজাহিত কামী,
বীরভোগ্যা ধরণীর অসপত্ন স্বামী ।
পিতার ক্রোধাগ্নি জালি দহি তব দেহ
আমি যে জলেছি কত জানিবেনা কেহ !
যাও কমি স্কন্ধ প্রেমোখিত হলাহল—
তীর ঈর্ষ্যা—যাও কমি দীপ্ত রোষানল ;
আজ তোমা নিরাময় হেরি, নৃপোত্তম,
নির্ঝাপিত মোর জালা, স্বস্ত চিত্ত যম ।

৩ই আগষ্ট ১৯২২ ।

শ্রীযুক্তা কামিনী রায়ের গ্রন্থাবলী

আলো ও ছায়া (৭ম সংস্করণ)	...	১৬০
মাল্য ও নিম্মাল্য (৩য় সংস্করণ)	...	১৬০
গৌরাণিকা (৪র্থ সংস্করণ)	...	১৭
গুঞ্জন (২য় সংস্করণ)	...	১০
অম্বা	১০
শ্রীকবিতা (স্বর্গীয় চণ্ডীচরণ সেন, কেদারনাথ রায় প্রভৃতির সংক্ষিপ্ত জীবনী)	...	১০
অশোক সঙ্গীত	১০
সিতিমা	... • ...	৬০

৪২এ হাজারা রোড, বালীগঞ্জ
শ্রীমিহিরনাথ রায় দ্বারা প্রকাশিত

ও

৬১ নং বোবাজার ষ্ট্রীট, কলিকাতা :

কুস্তলীন প্রেসে

শ্রীপূর্ণচন্দ্র দাস কর্তৃক মুদ্রিত



